

儀

禮

彙

說

儀禮彙說卷十四

金山焦以恕越江著

同學金大毅祖垂輯錄

門人何承謙據吉校字

特豕饋食 賈曰以物與神及人皆言饋是以此虞及特
牲少牢皆曰饋 李如圭曰虞喪祭也大夫士之祭曰饋
食雜記曰上大夫之虞也少牢卒哭成事祔皆大牢下大
夫之虞也牲牲卒哭成事祔皆少牢則下大夫與士同牲
側亨于廟門外之右東面 賈云吉禮全左右皆亨不
云側此云側亨明亨一胖而已以虞不致爵自獻賓以後
無主人主婦及賓以下之俎故惟亨一胖也吉禮四饋皆

在門東此門外之右是門西 敖云東面謂亭者也費亦存焉

饋饗在東壁西上 賈曰周官饋人掌凡祭祀其盛齊盛卽黍稷也特牲記饋饗在西壁注云西壁堂之西墻下南
北直屋栢纓在南彼云屋栢此云屋宇一也小飲大飲未
有黍稷朔月薦新始有黍稷仍未有饗至此乃有享饋之
饗故云彌吉敖曰特牲主婦視饋饗于西堂下此亦主婦
視之

尊于室中北墻下節 敖曰祭而尊于室中且用一醴一
酒皆異于吉醴酒並用者醴以饗神酒以飲尸亦見其未

甚變于奠也兩篋西上亦以禮席在西也。

饌兩豆菹醢節賈云尸在與東面設者西面設於尸前菹在南醢在北今於西楹東饌之菹在東醢在西是南面取之得左取菹右取醢至尸前西面又左菹右醢便也。

賈又云此饌繼西楹言之則以西楹爲主向東陳之一劍亞之者菹以東也。

從獻豆兩亞之節賈云尸前正豆不名爲從此二豆主人先獻祝後乃薦豆故言從其四筵則二筵從主婦獻尸二筵從主婦獻祝亦是從也此從獻豆筵以北爲上鄉南陳之此其次在劍以東去楹漸遠故云亞不謂亞劍以東也。

據此陳之次則東北菹爲首次南醢醢東栗栗北棗棗東
棗棗南栗故云北上菹與棗也。

羞燔俎在內西塾上南順鄭云南順于南面取縮執之便
也肝俎在燔東敖云燔炙肉言羞見其非正俎也南順以
羞之者當北面縮執之也愚按內西塾本嚮北則置俎于
此者宜南面取爲便敖云北面未見其然

主人及兄弟如葬服節賈云葬服者自葬日至三虞皆同
及卒哭之後乃變麻服葛也以虞爲喪祭主人未執事故
賓客來執事也案曾子問士則朋友奠不足則取于大功
以下又云士祭不足則取于兄弟大功以下。

主人卽位于堂節義疏云賓長三獻者也次賓則亞獻及三獻時羞燔者也其餘衆賓則舉鼎設薦俎諸事各分執之不足則輕服兄弟與焉雜記云朋友虞祔而退

祝入門左北面賈云執事卽上兄弟賓卽位于西方如反哭位皆是執事今祝接神位故不與之同位也

宗人西階前北面義疏云宗人亦公有司不與祝同位于門西北面者以主人在堂欲近之而詔其禮也

祝盥升取苴節義疏其曰東楹則苴亦有首尾以首近神而尾鄉東凡陳設及羞者蓋皆放此意

贊薦菹醢節賈云齊斬不執事惟爲此時至于尸入之後

亦執事兩運棗設于會南至於耐祭雖陰厭亦主婦薦主人自執事也知者下記云其他如饋食按特牲云主人在右及佐食舉牲鬯是也若大夫以上尊不執事故少牢云主人出迎則註云道之也是不執事也。

鬯入設于西階前節義疏特牲鬯設于阼階南則西面此設于西階前則東面蓋在東則西面在西則東面鄉背之法宜然也其在門外之鬯亦同。

祝酌醴命佐食節義疏云祝由主人之後至北墻下直醴甒北鄉取勺去鬯酌醴於觶仍鬯之加勺乃右旋南面右執觶立於尸左命佐食俟佐食啟會訖乃奠之特牲少牢

酌奠畢乃命佐食亦吉凶異也。

祝饗鄭曰饗告神饗也此祭祭于苴也饗神詞記所謂哀子某哀願相夙與夜處不寧下至適爾皇祖某甫饗也賈云下云祝祝卒註云祝祝者釋孝子祭詞又下文迎尸後尸墮祭云祝祝主人拜如初此等三者皆有詞此文饗神引記者是陰厭饗神詞下文迎尸上釋孝子詞者經記無文按少牢迎尸祝孝子詞云孝孫某敢用柔毛剛鬣嘉薦普淖用薦歲事于皇祖伯某以某妃配某氏尚饗此是釋孝子詞此迎尸上釋孝子詞宜與彼同但稱哀爲異其迎尸後祝詞者卽下記饗詞云哀子某圭爲而哀薦之饗鄭

注云饗詞勸強尸之詞也。凡吉祭饗尸曰孝子。是以特牲
迎尸云祝饗。注云饗勸強之也。其詞取于士虞記。則宜云
孝孫某。圭爲而孝。薦之饗是也。下二虞卒哭記皆有詞。至
彼別釋。愚按饗詞。教說與鄭異。然竊謂此等饗詞。當臨時
擇用其一。則諸稱皆合。不可執一。斯得之矣。

命佐食祭佐食。許諾節。愚按祭之有苴也。所以嚴敬其事。
不同於平時。故祝預爲設之。既祭乃延尸。斯時也。凡執事
之人。皆恪勤。以其洋洋如見。而畧不解散。未幾則迎尸入
廡。亡者之神。直憑於尸。而事尸如事神焉。是亦神道設教
之意也。如謂苴有主道。鄭氏已破其說矣。至謂神疑于其

位設直以奠之則語意未圓。敎氏謂吉祭無苴，虞有苴以吉祭不爲神祭而虞則爲神祭也。爲神祭當與尸異處，故祭于席爲其汗席，故以苴藉之。三者三祭之也。此則敎氏之解較明于注疏而紛紛之論息矣。要之此時將欲納尸則事神極其嚴敬，見其異于平時，故設此藉祭之儀焉耳。愚今備述鄭賈之說而以敎氏證之，亦見其大同小異，二說相須而未大相懸也。如左方云：

佐食許諾鈞袒節。鄭云鈞袒如今環衣也。苴所以藉祭也。孝子始將納尸以事其親，爲神疑于其位，設苴以奠之耳。或曰苴主道也，則特牲少牢當有主象而無可乎。賈云孝

子始將納尸以事其親爲神疑于其位設苴以定之耳按
上文祝取苴降廟設于几東者至是乃祭于苴下文乃延
尸是孝子迎尸之前用苴以將納尸以事其親爲神疑于
其位故設苴以定之解預設苴之意也云或曰苴主道也
則特牲少牢當有主象而無可乎者解舊有人云苴主道
似重爲主道然故鄭破之云若是苴爲主道特牲少牢吉
祭亦當有主象亦宜設苴今而無苴可乎是以鄭以苴爲
藉祭非主道也若然此據文有尸而言將納尸有苴按下
記云無尸者亦有苴又特牲少牢吉祭無苴按司巫祭祀
則其饌主及藉饋常祀亦有苴者以天子諸侯禮備故吉

祭亦有苴。凶祭有苴可知。

淳尸盥飾。義疏云。上文匭水錯于槃中。在西階之南。尸入門先西行。折而北行。當西階北面盥。宗人取巾於執巾者而授之。既則宗人受之。面位見記。

尸及階祝延尸。賈云。持牲注云。在後詔。侑曰延。又少牢注云。由後詔相之曰延。然則延者皆在後也。記云。尸謏視前。鄉尸。又曰。降階還及門如出。尸以此言之。降則在尸前也。故禮器云。詔侑無方。

婦人入于房。敖云。祭禮婦人當在房中。前此在堂者。以其有尸入之哭也。哭止入于房。及尸謏則又復位而哭也。尸

祭銅嘗銅義疏云虞祭用特豕則祭銅嘗銅皆豕銅黍羹
涪自門入節買云前云祝奠解于銅南此又云設于銅南
者以黍羹涪未設故解繼銅而言之其實銅南解北留空
處以待黍羹涪也蔽設于北正豆之北也。

尸飯播餘于篚義疏云飯謂食一口也少牢注云小數曰
飯少儀小飯而亟之每飯皆小防噎也每飯皆有餘不可
反於敦又不可棄于席故播于篚。

三飯佐食舉幹節鄭云飯間啣肉安食氣賈釋之云以其
脍膏骨體連肉又在三飯之間故云安食氣也。

佐食舉魚腊實于篚賈云佐食舉魚腊不云尸受明尸不

受魚腊也。持牲三舉魚腊，尸皆振祭，齊之。此魚腊實于篚，尸不齊，故云喪不備味也。

又三飯舉肩節，敖云：此三舉牲之體骨，始于脊，終于肩，先賤而後貴也。于前後體，惟以肩髀者，後體則舉其下，前體則舉其上，亦宜爾。

舉魚腊俎，節賈云：俎釋三個，不言牲體者，下記云：豨，升左肩臂，臠，肫，髀，髀，脊，脊，七體。此佐食初舉脊，次舉髀，又舉臠，終舉肩，總舉四體，惟有臂、臠、肫三者，佐食于豕俎，當釋此三個，故直舉魚腊而已。

尸卒食節，賈云上：設黍稷在俎南，西黍，東稷，又佐食舉黍。

錯于席上此尸卒食故反忝于本處如初設

主人洗廢爵節義疏云廢爵足爵總爵三獻之差也三者皆異於吉祭而無飾與稍有饌則有間矣云答拜者明尸先拜也

賓長以肝從節鄭云縮執俎言右鹽則肝鹽併也賈云俎既縮執則狹肝鹽不容相遠右鹽左肝故云併也

祝酌授尸節敖云尸無降席之禮故祝為酌之酢不洗爵尸禮也孝于是時飲而卒爵為尊者之賜也

祝左執爵節敖云授主人下宜脫一爵字義疏云祭酒之上似脫一坐字祭無不坐也

主婦洗足，爵節義疏云：疏以主婦爲主人之婦，蓋謂舅沒姑老，則死者之妻不與祭事也。然此爲吉祭言之，則可耳。若喪事，則妻爲夫斬衰，稽顙未有舍斬衰稽顙之妻，而以齊衰不杖之婦爲主婦之理。旣葬而虞，何遽易之？且卒哭練祥，變除之節，斬衰者爲多，齊衰則旣練而除矣。是卒哭練祥之祭，必死者之妻爲主婦，可知也。惟其妻不在者，乃以主人之婦爲之耳。

尸祭籩祭酒如初節，敖云：燔從之賓，謂次賓也。義疏云：敖氏知燔從爲次賓者，以賓長三獻亦燔從，明非賓長則當次于賓長者一人，蓋之也。主人獻而賓長蓋，主婦獻而次

賓羞亦羞次宜然也。

賓長洗纒爵三獻節義疏云賓長亦獻祝獻佐食次賓婦從尸祝亦備焉佐食其祭酒而不卒爵乎以之獻畢尸將起故也。

祝反入徹節賈云祝反入謂送尸出門而反入徹神前之饌改設於西北隅也云如其設也者謂設于西北隅次第一如與中東面設也。匪隱也于匪隱之處從其幽闇者謂以席爲障使之隱故云匪隱從其幽闇也。

贊幽屬尸賈云或者遠人乎者禮記郊特牲文鄭意非直取鬼神居幽暗或取遠人之意故也云贊佐食者自上以

來行事未有視與佐食以其云視自執其俎出故知闔廟戶是佐食也。

宗人告事畢李如圭曰荀子曰几筵饋薦告視如或饗之物取而皆祭之如或嘗之毋利舉爵主人有尊如或觴之賓出主人拜反易服卽位而哭如或去之謂喪祭也毋利舉爵謂佐食不獻尸主人有尊謂納一尊于西北隅易服楊倬謂易祭服反喪服蓋謂練祥之祭也當考。

日中而行事義疏云凡祭皆用質明始虞用日中有爲爲之耳且或葬事稍遲不及日中卽日是猶可期于亟安其神而已愚按鄭云必用辰正賈云辰正謂朝夕日中也故

義疏辨之。

奠任升左節通論李如圭曰肩臂膊腕格脊脊爲七體特
牲則增橫脊短脊而爲九少牢又增脰脊代脊而爲十二
載猶進柅節通論賈云鬻柅二者皆變於吉是以少牢升
豕其載如羊皆進下腊一純而俎亦進下魚用鮓十有五
而俎縮載右首進腴皆與此反也鄉飲酒鄉射記則皆云
右體進腴

祝俎脾臠節義疏云離肺舉肺膾肺一物而三名者與脊
同舉則曰舉肺祭而膾之則曰膾肺若祭肺則祭之而不
膾也食禮用祭肺士昏及公食以及凡祭祀之有黍稷者

是也。飲禮用雉。肺鄉飲鄉射。燕禮大射是也。

尸入祝從尸。教云。入謂入門也。祝始出迎尸。先行入門。及尸入祝乃居後而從之。少牢祝先入門右。尸入門左。亦辟尸使先行也。入門如是則入戶亦從尸可知。

尸坐不說屨。教云。禮有故事則不說屨而坐。少儀云。凡祭於室中堂上無跣。燕則有之。

尸設祝前鄉尸。愚按鄭云。祝前道尸。必先鄉之。爲之節。教云。前者當尸之前而行也。又按還出戶節。教云。鄉尸還請先鄉尸而卽還也。降階還節。教云。祝先降而鄉尸。及尸既降。祝乃反面而行。及門如出戶。謂出門又鄉尸也。以上教

氏之解雖與鄭同而詳倫過之楚詞招魂有工祝招君背
行先些以意解之亦非只管背行謂先背行如鄭尸云云
也

尸服卒者之上服鄭云上服者如特牲士元端也不以爵
弁服爲上者祭于君之服非所以自配鬼神教云卒者士
也其上服則爵弁服是亦異于吉祭也吉祭之尸服元端
元裳二說不同姑並存之

男男尸節教云女尸以在孫倫者之妻爲之據夫家言故
曰異姓其或雖與卒者同姓亦可爲之義疏云女尸無適
孫妻當使庶孫妻不使妾小記言妾耐于妾祖姑可見惟

妾母之喪乃以妾爲尸耳。通論賈曰喪祭自虞卒哭以後禫以前皆男女別尸。異几體實不同也。祭于廟同几精氣合也。少牢吉禮以某妃配某氏是男女共尸。

無尸則禮節賈云禮記云無孫則取同姓之適則凡大夫士祭先取孫無孫取同姓之適無同姓之適是無孫列可使者也。

既饗祭于苴節敖云雖無尸此儀則同也。主人於每節亦皆再拜稽首。記將見主人哭出之節故先言此。

如食間鄭云隱之賈疏云隱之者謂闕牖戶也。九飯之頃時節也。敖云開牖戶如食間象神食之也。此謂陰厭祝從。

啟牖鄉如初鄉云鄉屬一名也。賈云詩塞向墮戶。彼注云鄉北出牖也。與此注義同。北牖名鄉鄉亦是牖。故云一名也。故云鄉階面也。謂祝在主人之左。皆西鄉。愚按設饌章經云主人倚杖入祝。從在左。西面是。故說西鄉之根也。不同。整字矣。

卒徹節鄭云不復設西北隅者。重閉牖戶。喪也。賈云上經有尸者。有陰厭。有陽厭。無閉牖戶之事。今無尸者。陰厭時。閉牖戶。今更設饌于西北隅。復更閉牖戶。爲喪賁。故不爲也。故云此徹亦改設于西北隅。不言之者。已蒙如初之文也。愚按如初專指啟牖鄉言之。則改設宜無事矣。

曰哀子某哀顯相節敖曰哀子主人也哀顯相衆主人以
下也風興夜處不寧言共以神未耐廂之故日夜爲之悲
思不安也風按始虞同于葬日諸說並同而敖又云風興
夜處則始虞與葬不同日明矣竊謂風夜二字蓋泛言之
不必便指葬後言之敖氏据此而云不同日未見其然也
明齊澆酒鄭云明齊新水也言以新水澆釀此酒也賈云
鄭以澆水邊爲之與縮字義異謂以新水漬麴乃澆釀此
酒又引郊特牲明水澆齊貴新也彼注云澆猶清也五齊
濁泆之使清謂之澆齊及取明水皆貴新也敖云明齊蓋
言醴也郊特牲曰縮酌用茅明酌也又曰明水澆齊貴新

也蓋用明水沈醴齊故曰明醴也愚按經文此四字諸家之解各出今據今文曰明粢粢稷也明粢者粢之明潔者也用明潔之粢以釀此酒則水亦必取明潔此不言而可知故記見之重在粢也若以此四字爲兩物則普淅已兼黍稷茲謂非其次且重出焉故不可也

三虞卒哭節鄭云檀弓曰葬日中而虞弗忍一日雖是日也以虞易其卒哭曰成事是日也以吉祭易喪祭明日祔于祖父賈云鄭以前有人解三虞卒哭同爲一事攷雜記云上大夫之虞也少牢卒哭成事祔皆大牢注云卒哭成事祔言皆則卒哭成事祔與虞異矣是微破前人三虞

卒哭同解者也。敖云他者變易之詞。猶今言別也不用柔日而別用剛日。故云他也。卒哭用剛日者。以祔祭宜用柔日故耳。愚按記云。他用剛日。鄭云三虞卒哭之間有祭祀者。亦用剛日。其祭無名謂之他。假設言之。文不在卒哭上者。以其非常也。至敖解他爲變易。卽主三虞卒哭二祭而言。愚考後世作詩者。往往有倒裝法。似云他如三虞卒哭用剛日是也。置他字于三虞卒哭下者。亦倒裝字耳。

尊兩紙節。賈云虞祭用醴酒。無玄酒。至卒哭云如初。則與虞祭同。今至餞尸用之。則尋常祭祀之酒。故云卽吉。

主人出卽位。節賈云婦人有事。自堂及房而已。今出寢門。

禮記集說卷一百一十四
三
之外是重饗尸也。敖云主人位少南者宜稍鄉尸且爲婦人當位于其北也。衆主人以下亦在主人之南如臨位而婦人之位則當南上。婦人出者宜送神也。云哭不止見其哭而出也。

薦脯醢設俎節賈云曲禮以脯修置者左胸右未注屈中曰胸則吉時屈者在左今尸東面而云東面是凶禮屈者在右。

尸設從者奉饗節賈云鄭意約上文男子在南婦人在北南爲左北爲右因從此位便也。又在廟以廟爲限在寢門外以大門爲限正祭在廟廟門外無事尸之禮今饗尸在

寢門外則大門外無事尸之禮故舉正祭況之

賓出主人送節教云主人既復位宗人告事畢賓乃出也
賈云上從尸不出大門者有事尸之限故不出大門送之
送賓大門外自是常禮但禮有終賓無答拜也

大夫說經帶節賈云喪服注云大夫以上處而受服士卒
哭而受服亦約此文而言也教云喪服之始經帶先加故
于將變之時亦先說之

入徹主人不與教云丈夫自齊衰以下婦人自主婦以下
皆得爲之

婦人說首經節教云間傳曰男子重首婦人重帶婦人質

故于其所重者有除無變其三年者至小祥而除之齊衰期以至小功則皆終喪而除之其總麻者此時亦不說既退則除之與

將旦而祔則薦鄭云薦謂卒哭之祭賈云記人見卒哭之祭爲祔而設故連文云將旦而祔則爲此卒哭而祭也

愚按注疏之說蓋是也教氏又解之曰此薦在卒哭之夕也惟主告神以祔期故其禮略俟更考之

饗詞曰哀子某節鄭云饗詞勸強尸之詞也圭絜也詩曰吉圭爲館凡吉祭饗尸曰孝子賈云此一詞三虞及卒哭勸尸詞若祔及練祥吉祭其詞皆用此但吉祭改哀爲孝

耳

明曰以其班祔朱子曰昭穆之次昭常爲昭穆常爲穆故書謂文王爲昭考詩謂武王爲穆考左傳畢原鄆郇爲文之昭邗晉應韓爲武之穆則昭穆之位不以新主祔廟而變也但昭主祔廟則昭適遷穆主祔廟則穆適遷爾呂氏大臨曰禮之祔祭各以昭穆之班祔于祖廟有祭卽祭之既除喪而後遷于新廟此之謂祔

用專膚爲折俎節鄭云折俎謂主婦以下俎也體盡人多折骨以爲之敖云惟取諸胙臄是不分左右皆用之矣此折俎謂尸祝之外凡執事者之俎也昨俎亦存焉又云以

專膚爲俎，且取諸脰，脰明不用體骨也，所以然者，祔未純吉，猶以左胙爲神俎，其右胙之體骨，不敢以爲執事者之俎，實蓋辟吉祭神俎之所用者也。一說未詳，孰是，姑兩存之。義疏云：折俎蓋惟主人主婦及賓長得有之，而衆賓兄弟未必備也。以脰臄無多，脰臄者頸也。

其他如饋食，賈云：鄭謂如特牲饋食，知不如士虞饋食禮者，虞不致爵，夫婦無俎，此有俎，其詞稱孝，夫婦致爵，與特牲同。敖云：其他謂陳設之位，與事神事尸之儀，及執事者也。

用嗣尸賈云：從虞至祔，惟用一尸，若然，練祥則筮尸矣，小

記云練筮日筮尸。義疏云或曰孫于祖爲廟用廟尸者卽以虞尸爲皇祖之尸。而新祔之孫不另設尸也。未知然否。用尹祭義疏云用上當有敢字。文略耳。

嘉慶普淖普薦酒。愚按淖酒卽前之明齊淖酒也。已見上文。則此畧言之。

禘而小祥。敖云三年之喪至禘而凶服。或有所除。故謂之祥。再禘而祭。祝詞乃曰祥事。則此未得正謂之祥也。故以小言之。

曰薦此常事。賈云虞祔之祭非常。一禘天氣變。易孝子思之而祭。是其常事。義疏云曾子問練祭不旅。奠饋于賓。賈

弗舉。

又暮而大祥。賈云二十五日。故云後暮。義疏云凶事至是盡除。故曰大祥。而其詞曰祥事。言大者對小之詞。

中月而禫。王肅曰二十五日大祥。其月爲禫。二十六日作樂。間傳云三年之喪二十五日而畢。士虞禮中月而禫。中月月中也。是祥月之中也。檀弓祥而縗。是月禫。徙月樂。若以二十七日禫。則歲未遭喪。出入四年。小記何以云再期之喪三年。愚按王肅之說與鄭小異。朱子是之。

是月也吉祭。猶未配。鄭云猶未以某妃配某氏。哀未忘也。少牢饋食祝詞。方以某妃配某氏。故云猶未配。謂孝子之

母雖先其父而卒者此時猶未以之配祭也蓋此祭主于
安其父之神靈故不及其母與所謂薦其歲事者不同也

儀禮彙說卷十四終

儀禮彙說卷十五

金山焦以恕越江著

特牲饋食禮第十五。愚按諸家之說士或二廟或一廟一廟者祖禰其廟也又賈氏云先祭祖後祭禰皆同日而祭以此及少牢惟筮一日明不別日祭也又程子謂祭必及高祖但疏數不同而朱子以爲最得祭祀本意云今考王制大夫三廟士一廟降殺以兩而祭法有適士二廟官師一廟之文是則士亦有二廟之證也官師止一廟曰考庶王考無庶而祭之者爲祖禰共之之證也至同日而祭

經無明文且自夙興視殺以訖送賁徹爲時甚久豈堪再
承一祭也故雉祭祖則不及廟雉祭廟則不及祖所以致
其專一而使所祭得伸其尊也又按士爲其祖承重而祔
以其班自當祭高祖而以祖祔焉此爲得祭其高祖之証
然疑士之祭其高祖者唯此爲然而其平時之常祭只及
其王父而止若祭曾祖卽僭大夫祭高祖以上并僭諸侯
而不可行也今推諸侯有祫而謂士大夫同之者恐未盡
然也士亦祭及高祖此後世變通之禮而不可以誣周制
也以此防民僭有竊玉大弓收庭以徹者是故不可不謹
請此也又喪禮有先朝禫後朝祖之文今吉禮則先祖後

禘不同日以祭其祭禘之儀及詞放此可知耳。

士大夫得祭其高祖。惟大傳有云諸侯及其太祖。大夫士有大事省於其君。干祿及其高祖。注大事謂祿祭不敢私自舉行。必省問於君而君賜之乃得行焉。而其祿也亦上及于高祖。以卑者而行尊者之禮。故謂之干祿。愚按義疏所云士爲其祖承重而祔以其班當祭高祖而以祔祔者若此之類。卽是祿祭必請于君而後行。然則斯禮也不亦嚴乎。而謂後世可倣而行乎。大夫及三世。士止于二世者。則其常也。

不諫日。義疏云大夫祭用丁巳柔日。筮得吉卽於是日。

齊不得不於前筮一日諫之耳士不諫者少牢疏云士只
有致齋無散齋無所用其諫也且君祭大夫士與執事焉
大夫祭士或與執事焉則士固不能諫諫日矣

及筮日節敖氏云士筮當朝服今乃玄端者不可踰其祭
服也

子姓兄弟節鄭氏云所祭者之孫言子姓者子之所生也
敖氏云子姓主人之子也義疏云兄弟中伯叔父及其它
上下輩行皆賤焉愚按所祭者乃主祭者之祖也自主祭
者推之則人數少自所祭者推之人數則不少然自所祭
者推則兄弟遠而不統疑可以不在也經言子姓兄弟皆

從主祭者目之耳。敖謂子姓主人之子者。與鄭不異。似亦從所祭者推之。此愚所未解也。至退兄弟子子。姓之後。以親疏之服爲次序者。此言得之矣。

有司羣執事。義疏其人。有專職。則謂之有司。如筮人。宗人視佐食之屬是也。其人不必有專職者。以羣執事概之。

筮人取筮節。敖氏云。取筮于西塾。見其所饌。與士冠禮同也。亦抽上韜兼執之。又義疏云。筮人亦名筮史。雜記大夫士筮宅。以史鄭注云。筮史筮人也。少牢稱史。此稱筮人。其義全。

宰自主人之左。贊命鄭氏曰。贊命由左者。爲求神變也。疏

云士冠禮宰自右少退贊命少儀詔辭自右此祭祀故宰
自左贊命爲 神求吉變於常禮也敖氏曰蓋字誤耳左
當作右愚按宰初東面立趨而東乃還而西鄉贊命其自
右自左均未可定謂變于常禮者亦兩是也

命曰孝孫某節李氏如圭曰禮記祭稱孝孫以其義稱也
鄭氏曰士祭曰歲事此言某事又不言妃者容大祥之後
禫月之吉祭義疏解之曰喪自練禫而後於日筮尸漸與
吉祭同至禫月而適值時祭則直行特牲饋食禮惟祝詞
不稱某妃配而已所謂是月吉祭猶未配也此經不言妃
鄭故舉以見例少牢饋食若命詞祝詞不稱某妃配亦同

愚按少牢禮曰用薦歲事于皇祖伯某某在伯下與此稱某子異皆祖之字也

若不吉則筮遠日節賈氏曰據曲禮吉事先近日假令孟月先於上旬內筮筮不吉乃用中旬之內更筮又不吉更用下旬內筮筮不吉卽止不祭宋張子曰據儀禮惟有筮遠日之文不云三筮筮日之禮止是二筮先筮近日後筮遠日不從則直用下旬遠日蓋亦足以致聽于鬼神之意而祀則不可廢愚按張子之言當矣

前期三日節何氏休曰祭必有尸者節神也禮天子以卿爲尸諸侯以大夫爲尸卿大夫以下以孫爲尸夏立尸殷

坐尸。朱子曰：古人祭祀無不用尸，非惟祭祖廟用尸，祭外神亦用尸。義疏曰：夏官節服氏職，郊祀養冕二人執戈送逆尸從車，則郊亦有尸也。

命筮一節，賈氏：天子諸侯宗廟之祭亦用孫之倫，但取卿大夫有爵者爲之。故鬼鷲之詩皆言公尸。又曾子問：卿大夫將爲尸于公是也。若大夫士之祭尸，無間成人與幼，皆得爲之。故曾子問篇孔子答曾子曰：祭成喪者必有尸，尸必以孫，孫幼則使人抱之，是也。

乃宿尸。鄭氏云：宿讀爲肅，肅進也。進之者使知祭日當來。古文宿皆作羞，凡宿或作速。若公食大夫速賓之類，記

作痛若幽禮主人肅客而入是也周官亦作宿如大宗伯
交宿視滌濯是也賈氏云凡宿者必先戒戒者不必宿宿
尸與宿賓無厭明之文則二者同日宿尸云乃是緩詞則
與筮尸別曰

尸如主人服議疏云此惟士與大夫爲然自國君而上多
有不如主人服者矣詳見曾子問喪服小記

主人辟節義疏云下記云尸入主人及賓客皆辟位出亦
如之此方宿尸尸出而卽辟敬于始也

祝許諾致命賈氏云大夫下人君唯有祝損此使宗人損
又有祝傳命士卑去人君遠不嫌兩有也

宿賓節大夫尊宿戒皆使官不躬親士則親廟賓是其象
賓當亦使人宿之

宗人擯節教氏云此云吾子將蒞之是婦者賓已許之矣
然則筮日之後亦當有戒賓之儀如士冠禮所記者經不
見之文略耳筮尸宿尸宿賓皆同日為之故下文別云厥
明以別之

厥明夕陳鼎于門外疏鄭氏曰門外北面當門也慈按吉
祭主于東方東方陽也且禮節圖云下經言享于門外東
方祀又云牲爨在門外東南魚腊爨在其南又少牢雍爨
在門東南北上三鼎在羊鑊西二鼎在豕鑊西則鼎爨皆

其設于一方且不甚遠此亦應如之是當以放氏東方之
說爲正也。

設洗手阼階東南節鄭云東房房中之東當夾北張疏謂
東房對西房而言謂所陳在東房之東可也以房中之東
爲東房不可也東房在正室之東夾室又在東房之東若
夾室之北則北堂下之東矣鄭氏所指非也愚按鄭云房
中之東原指東房之東當夾北者記南北之節猶云直夾
室之北也則鄭亦無悞矣又賈氏疏尤明。

主人再拜饋敖氏衆賓各一拜言再者字悞也義疏鄉飲
禮衆賓皆各一拜有司徹衆賓亦皆各一拜則此禮不應

特異恩接歸云衆賓再拜者士賤族之得備禮也義亦可通

宗人升自西階視盥濯節賈氏曰春官宗伯宿厭薄濯大宰涖之特牲禮得與人君同士卑也少牢當祭日概祭器下人君也

視濯親牲爲期全節義疏案周官厭濯省牲皆大小宗伯與肆師掌之故此節禮儀以宗人爲主祝接神者也雖同卽位而不與其事

夙興主人服如初節祭祀自國君已上牲必親殺以有朝踐薦血毛之禮少牢特牲之祭自饋孰始則第視殺而已

不必親矣。故大夫士之禮同。右義疏文也。

賓豆筵劍陳于房中。如初節。敖氏云。如初亦如其南上之位也。記曰。賓與長兄弟之薦自東房。其餘在東堂。然則祝主人主婦賓長長兄弟之豆筵亦皆二以並相繼而陳于劍之北矣。恩按注疏記此條下云。其餘謂衆賓兄弟之薦也。義疏云。惟賓與長兄弟先薦于階上。自東房出。所以異之也。禮尤明矣。

祝筵几于室中。東面節。孔氏頴達曰。祭以某妃配。其几皆同。不特筵。義疏云。少牢言右几。此言東面互相備也。禮器孔疏云。大夫士祭祀止一席。謂大夫士一重也。

佐食北面節買氏云下記曰佐食當事則戶外南面無事則中庭北面此謂無事時也。

宗人遣佐食及執事盥出節敖云此執事謂左人及取俎七者賤於右人故先出不遣賓長者賓長與主人皆在右宜同出也。

主人降及賓盥出節敖氏云賓長在右謂長賓在鼎之右衆賓長在膳廟之右也李氏如圭曰賓不偶主人者左人當載屨者之事也買氏曰賓主當相對爲左右以賓尊不載牲體故使佐食對主人使賓爲右人而使他執事在左而載也。

宗人執畢先入節孔氏穎達曰牲體從鑊以七升之於鼎
從鼎以七升之於俎吉祭七用棘主人舉肉則用畢助主
六
贊者錯俎加七鬯云少牢云俎皆設于鼎西西肆又云七
皆加于鼎東故又云俎從于鼎西其人當北面於其南載
之便昏禮亦云北面載執而俟

佐食升所俎節孔氏穎達曰尸祭饌訖視取牢心舌載于
所俎設于饌北尸每食牲體反置于所俎是主人敬尸之
俎

俎入設于豆東節賈云經卒載下卽云入設明是載者設

之也。豆在神坐之前，豕俎入設于豆東，魚俎又次其東，若
腊俎復在東，則俱不得方矣。故腊俎特者，取其方也。

主婦設兩敦，節買云：主婦設金敦，宗婦贊三敦，以其多故。
使宗婦贊此，士無禮，二敦少，故不使宗婦贊。主婦可親之
也。

祝洗酌奠，節酌奠，其其禱也。後酌者，酒尊要成也。少牢
禮啓會，乃奠之，數云酌奠，酌其所奠之酒也。不云酒而云
奠，因事名之。

主人降立于阼階，東方氏怒曰：尸者神象，廟門之外，以人
道爲尚，廟門之內，以神道爲尚。凡迎之禮，必出焉，故迎牲

而不迎尸。

尸入門左。筮義疏云。周官大祝逆尸。小祝沃尸。盥。大夫士祝一人而已。少牢禮宗人沃盥。此篇宗人授巾。則沃盥者蓋羣執事。

執奠祝饗。孔氏頴達曰。祝先奠爵于銅南。尸入卽席而舉之。鄭云。饗勸盥之也。其詞取于士虞記。則宜云。孝孫某。圭爲孝薦之。饗。舊說云。明薦之。賈云。引舊說。証圭爲潔明之義。

祝命授祭節。賈云。鄉者陰厭厭。厭。餼神。今尸來升席而授祭。祭訖當食神餘。李如圭曰。周禮九祭。六曰擗祭。擗祭者。擗

于醢以祭不食也郊特牲曰祭肺貴氣主也

祭酒啐酒節朱子曰此之祭酒蓋古者飲酒必祭今以鬼神自不能祭故代之祭鬼按此說稍泥尸雖象神其實生人也飲酒必祭尸只以自爲代祭之解多此一層矣

設大羹滂節賈云醢北謂薦左案公食大夫禮昏禮大羹滂皆在薦右此在左者神體變于生人土成禮大羹滂設于銅甬在右與生人同有不忍異于生故也

乃食食舉敖云乃食乃以右手食也李如圭曰食舉卽肺脊也食必先舉之故曰舉

尸三飯告飽節孔氏穎達曰釋詁文侑報也毛詩傳侑勸

也。鄭箋云：爲其嫌不飽，祝以主人之詞勸之。敖曰：祭以饋食爲名，故當食而尸尤尊，雖主人拜亦不答也。愚按：尸乃神象，祝惟主人拜拜神也。尸故不答，以明其不爲己。

佐食舉幹節，李如圭曰：正脅曰幹。此經無正脅，則幹通謂長脅。賈云：大夫之醢獸魚別舉。此獸魚一時同舉。義疏云：尸此時左手仍執肺脊，其受之佐食而振祭，嚼之者皆右手也。嚼畢仍授佐食，加于所俎者。既嚼則不可以反于神俎，且將爲祭畢，佐食徹尸俎，有司歸尸地也。

佐食羞庶羞，節敖曰：少牢禮羞兩載，兩醢。此亦當放之也。左亦醢之北，滫之南也。南上者，載醢相間，兩載各在醢之

南也四豆乃不緝者統于正豆也正豆兩而爲一列故此豆雖四亦不宜緝以異之

尸又三飯禮三成節義疏云自此以上祝迎尸延尸於廟官大祝之職所謂相也祝饗者再所謂饗也命佐食按祭所謂階也九飯而三節所謂右也

舉肩及馔魚如初鄭云舉先正春後肩自上而卻下緝而前終始之次也賈云先舉正春自上也次舉脅卻也後舉骼下緝也終舉肩前也前者牲體之始後者牲體之終故云終始之次

佐食盛所俎節鄭云所釋者牲體則正春一骨長竹一骨

及屬也魚則三頭而已。敖云俎釋三個不可遽空神俎也。脂俎三個蓋如牲俎。

主人洗角升酌尸。陳祥道曰卒食必有酌曾子問言侑酌是侑食而後有酌也。樂記言執爵而饋執爵而酌是饋食而後有酌也。特牲少牢之獻皆曰酌尸則大夫士無朝獻饋獻之禮。特酌尸于饋食之後而已。孔穎達曰特牲主人獻尸用角角受四升其器小。佐食洗散獻尸散受五升其器大是尊者小卑者大也。

尸拜受節義疏此尸之拜酒啐酒一與賓禮同但不離乎席者尸以象神尊也。孔穎達曰炆火貫炙之謂炙所以從

獻酒之用行葦變曰燔用肉良用肝。愚按尸之象神而不
容拜蓋一次受拜已後卽同常人禮之中也。

卒角祝受尸角節鄭云曰送時者節主人拜放云尸卒角
不拜既乃俟主人先拜者所以淡見其尊尸也。祝釋詞其
東面于尸席前之東與。

主人拜受角節義疏云宗廟之中尸最尊主人次之主婦
又次之其墮祭得如尸禮自視而下則僅有離肺而無祭
肺若犧牲案盛惟主祭者得與所祭者共之者也。故其接
祭也同。

主人坐左執角節放云進于尸前而聽其嘏已之詞下文

云親殿主人是也。又以少牢禮參之。則殿云者。蓋致福于人之稱。

佐食擗黍投祝節。賈云。少牢云。祝以餒于主人。曰。皇尸命工祝。承致多福。無疆于女孝孫。來女孝孫。使女受祿于天。宜稼于田。眷壽萬年。勿替引之。是也。敖云。少牢禮乃祝。傳尸餒。此尸親殿。其詞之首與彼異。郝敬云。獨擗黍者。尸食惟黍。

主人左執角節。賈云。挂祛以小指者。左手執角。右手挂祛。以小指不干左手也。飲酒之時。恐其遺落。故挂以小指。便卒角也。敖云。季指。左手之小指也。挂祛于指。以黍在袂中。

故也。古者祗狹于祇，然猶挂之者，慮拜時或遺落也。愚按此二說未知孰是。但左手執角，復因左手之小指，此亦不然之說。挂以右手小指，勿使遺落，斯爲得之與。

設菹醢俎。賈云：前獻尸時，菹醢設之。此設菹醢，亦主婦可知。少牢主人獻祝，佐食設俎。此亦佐食設俎可知。

以肝從覯，左執角節。義疏云：凡從獻之肝，膾尸或加于豆，或加于所，不反之正俎者，以正俎神俎也。尸出猶徹，猶改設于西北隅。其餘若祝俎，則徹而歸于家。主人主婦俎，則徹而爲燕時之庶羞。故無論肝與膾，皆可加于正俎也。經前後言加于俎者，放此。

酌獻佐食節買云上獻祝有俎此獻佐食不言俎者上經云執事之俎陳于階間佐食亦在其內下記云佐食設折脊稱是也又經獻賓長節注云凡獻佐食皆無從其薦俎于獻兄弟以齒設之若少牢獻佐食俎卽設于兩階之間西上大夫將賓尸故卽設佐食俎至賓尸時無之敖云上不言坐故於祭見之。

尸拜受節買云少牢禮主婦入戶西面拜獻尸注云不北面者辟君夫人也大夫妻貴辟君夫大士妻賤不嫌與君夫人同。

宗婦執兩簋節敖云宗婦贊豆籩戶外坐士祭禮然也少

牢禮主婦與贊者授受于室中亦異者也士虞禮筮設于會南此亦如之不云會者可知也孔氏類達曰士不賓尸故設兩筮大夫主婦正祭不設筮以官日賓尸也天子諸侯明日賓尸故正祭亦設筮

祝贊籩祭飾義疏云豆祭無論兩豆三豆皆尸自取兼祭以其近也籩稍遠于豆士二籩則祝贊祭大夫四籩則尸取其二祝贊其二授而兼祭

羞燔者受節買云上文主人獻尸賓長以肝從至獻祝時以肝從不言其人明亦賓長可知此下文主婦獻祝燔從如初明亦長兄弟羞燔可知義疏云尸加肝于豆者爲嗣

奉其將以投之也。婦則齊之而不復用矣。然不可加之正俎。又無自反於所之禮。故反之長兄弟而代加焉。已後凡加于所者。放此。

醢如主人儀。鄭云不易。婦辟內子。賈云上尸。酢主人。將不易。此主人受酢。亦不易。婦可知。少牢云。祝易。婦洗酌。投尸。主婦拜受。爵是其易。爵也。男女不相襲。爵所以今襲。爵者。辟內子也。義疏云。男子不承婦人。婦人。有特承男子。爵。故主婦襲尸。爵。又尸酢主婦。男女不嫌相投。受者。祭統云。尸酢夫人。執柄。夫人受尸。執足。不相襲處。所以示別也。主婦適房南。而節。賈云。少牢。大夫。妻上佐食。按祭。主婦西。

而于主人之北受祭祭之此佐食祭于地主婦撫之而已
故曰儀簡敖云房中南面主婦之正位也經因事見之
入卒爵如主人儀敖云主婦入于室中北面而立飲如主
人儀謂卒爵拜尸答拜也入室卒爵亦以向者於此拜受
故也。

獻祝籩婦從節敖云主婦當更洗于房中乃酌獻祝略如
內子之禮蓋男子不承婦人爵也此與主人獻祝惟無祭
俎一節餘則如之也義疏籩亦祭于豆婦亦反于俎。

及佐食如初節鄭云及佐食如其獻佐食則拜主人之北
西面也賈云佐食北面受獻主婦不宜同面拜送言如初

明同主人西面拜與內子同。敖云少牢禮主婦獻祝及佐食皆西面於主人之北答拜。

賓三獻如初節。敖云不言洗爵升酌可知也。如初謂尸拜受主婦拜送也。賈云自賓三獻爵止。至酢于主人。此內有十一爵。賓獻尸一也。主婦致爵于主人二也。主人酢主婦三也。主人致爵于主婦四也。主婦酢主人五也。尸舉爵乃酢賓六也。賓獻祝七也。獻佐食八也。致爵于主人九也。致爵于主婦十也。酢于主人十一也。

爵止。賈云尸三獻祝與佐食亦得獻。主人主婦未得一獻。是神惠未均。奠而待之。待主人主婦致爵也。

主婦洗爵酌饋饗陳爵取之內饗卽亞獻及佐食畢而以
入于房者也。鄭知主婦北面拜者少半不賁尸。主婦酌致
主人戶西北面拜送爵。

宗婦贊豆如初節。敖云宗婦贊者亦一人既授兩豆復取
兩簋于房經第言贊豆文省耳。如初戶外坐也。主婦受于
戶外而設于席前其豆則蒞在北其籩則陳在蒞北栗在
東西也。設豆東面設籩南面。

主人左執爵祭薦節。敖云贊祭薦蓋以簋祭授之祭也。陳
肺之儀。鄭飲酒備矣。

肝從左執爵節。敖云宗人既受肝則主人復右執爵矣。一

進酒而兩進從俎者欲其與尸祝之兩獻者同見其尊也
主婦酌亦如之。養疏辨飲射醴。啐酒于席末。卒爵于階上。
此飲于室中。故啐酒于席上。而卒爵于席末。所以別于尸
祝。

主婦答拜。飭教云。酢不易爵者。禮婦人承男子後。多不易
爵。則其自酢。又可知矣。主婦自酢者。主人辟尸。不敢酢主
婦。主婦進其意也。下自酢之義。皆教此。

主人降洗酌節。教云。不言升酌。文省耳。主人于主婦亦謂
之致爵者。夫妻一體也。主婦席南面。變于大夫不賓尸之
禮也。亦拜受于席。此席蓋于房中之北堂。

宗婦薦豆俎從獻節。敖云豆亦兩豆，兩簋俎牲俎也。從獻肝燔也。肯如主人，謂其受爵以前之禮也。李如圭曰：少牢下篇，賓致爵于主婦，其俎亦佐食設之。

主人更爵酌醑節。賈云堂下，醑實二爵，一尸奠之，未舉一。致于主婦，此更者，更取房中之爵以酌酢。酢訖，奠于下。饌敖云：此醑亦在房中西面。其他儀皆與主婦自醑者略同。惟卒爵則尸與主婦異耳。

尸卒爵酢節。鄭云：洗乃致爵，爲異事。新之燔從，皆如初者。如亞獻及主人主婦致爵也。凡獻佐食皆無從，其薦俎獻兄弟以齒設之。敖云：賓獻祝亦北面拜于戶西，獻佐食亦

西面拜于主人之南賓既獻佐食則室中之事畢矣乃復致爵者因上禮也皆皆尸卒爵以下也自尸卒爵以至及佐食如主人酢獻之禮也致于主人者如主婦致爵之禮致于主婦者如主人致爵之禮燔從者如亞獻祝及致于主人主婦之禮言此則是從獻之物僅有此耳亦見其殺于初者也賈云此獻尸祝無肝從故經惟云燔從如初更爵酢于主人簡義疏致爵則兼主婦酢則主於主人經凡主人徧獻衆賓而後專酢于賓長卽此例也

主人降阼階節敖云初謂三拜衆賓衆賓皆答一拜也將獻而旅拜賓賓一人辭洗則是助祭之賓其尊卑但與鄉

飲酒之衆賓同耳。

洗賓辭洗放云少牢下篇云主人洗爵長賓辭主人奠爵于篚與對。

卒洗揖讓升酌節買云案鄉飲酒鄉射賓主獻酢各於其階至酬乃同階此因祭而獻賓所尊者尸也又賓卑不得專階故就之義疏案分庭揖讓而酌獻同階比之鄉飲酒如介禮。

薦脯醢設折俎買云尸祝等俎經不言牲體亦不言折以其體貴也此賓俎不言牲體而言折明非貴體有司徹云司士設俎此下文云有司在門西則此設俎者也。

賓左執爵祭豆節賈云賓不敢與主人爲敵故主人酌自
酢以達賓意敖云豆亦兼籩言也賓云卒爵拜主人云奠
爵拜文互見

主人坐祭節賈云賓位在西階下東面今受獻于西階上
執祭以降西面奠于其位明後西階下東面位也
衆賓升拜受爵節敖云立飲亦爲不拜旣爵也其說鄉飲
禮與記辨謂皆有薦俎也其薦俎亦與每獻一人則設之
其答拜亦在每人受爵之後賈云公有司獻在衆賓後
尊兩壺節敖云爲賓及兄弟設之也設尊于堂下者欲其
便且別于大夫禮也兩壺皆酒別于上尊也西方之尊其

在西階西與義疏加勺亦南柄北面酌也與堂上之尊同
庭中凡四尊尊必朋設東西階下分賓主人党也

主人奠觶于薦北賈云神惠右不舉生人飲酒左不舉今
行神惠不可同於飲酒故奠于左與生人相變

賓坐取觶還節敖云賓坐取觶與象受之也賓取觶亦西
面還面東面拜謝主人之奠觶也執奠觶而拜所以見其
意奠而不辭既則以拜謝之皆變于飲酒之儀也

賓奠觶于薦南揖復位右主人酬賓長義疏云獻酢酬三
者具而禮成此主人酬賓所以成獻賓之禮少半下篇亦
酬尸以賓尸在堂則以賓禮事之也特牲但酬賓而已尸

則不敢酬之以其在室神之也。

主人洗爵節鄭云酬賓乃獻長兄弟者獻之禮成于酬先成賓禮此主人之義亦有薦脰設于其位私人爲之與。

洗獻衆兄弟節敖云獻衆兄弟與獻長兄弟之禮相屬乃爲之洗者以其承已自酢之後故須洗之也然則獻衆賓亦宜爲之洗舉下以明上省文之義然也。

洗獻內兄弟節賈云下記云內賓宗婦彼注云內賓姑姊妹宗婦族人之婦若然兄弟者服名故號婦人爲兄弟又下記云尊兩盞于房中西墻下南上內賓立于其北東面南上宗婦北堂東面北上鄭云如衆兄弟如其拜受坐祭

立儀設薦俎于其位辨有司徹云主人洗獻內實于房中
南面拜受爵此亦然也敖云獻之蓋西北面

主人西面答拜節買云獻時不殊其長酢時猶如賓及兄
弟殊其長

長兄弟洗觚節買云如初儀者如賓長三獻之儀但賓長
十一獻此兄弟長加獻唯有六爵洗觚爲加獻一也尸酢
長兄弟二也獻祝三也致爵于主人四也致爵于主婦五
也受主人酢六也

爵止節敖云尸祭酒啐酒而爵止買云加爵停之使庭行
旅酬

嗣舉其孔氏類達曰因嗣子舉奠解飲之自是以後因號
嗣子爲舉奠故云重適故特爲此禮是惟主于有適者言
之無適則已鄭云大夫之嗣無此禮辟君也

尸執奠節敖云奠劍南之解也肝卽鼎之加干菹豆者也
位室中之位也坐卒解亦異其室中之禮凡子姓受主人
之獻亦立卒食不拜既爵買云直言受肝明有饔下記佐
食設豆鹽是也受尊者賜不敢餘食若不盡直云噉之而
已

兄弟弟子洗節買云弟子洗解酌于東方之尊阼階前東
面獻長兄弟長兄弟北面拜受弟子奠于薦南長兄弟坐

取解還西面拜弟子北面答拜長兄弟奠于薦北揖復位
故曰如主人酬賓儀

宗人告祭脰筋敖云所告者衆賓衆兄弟內兄弟也公有
司私臣亦存焉記言衆賓以至私臣皆有脰膚一離肺一
又云公有司獻次衆賓私臣獻次兄弟將羞乃告祭脰蓋
與燕禮大夫祭薦之意同

乃羞筋敖云此但以羞爲文則是自尸而下以至於私臣
皆然也大夫祭禮羞於尸祝主人主婦與羞于賓兄弟內
賓及私臣不同時又加以內羞此則一之亦士禮異也李
如圭曰少牢下篇云羞及私人辨

賓坐取解節賈云賓酬長兄弟長兄弟在右下文長兄弟
酬衆賓長自左受旅如初是賓主相酬主人常在東其同
在賓中則受酬者在左若鄉飲酒賓酬主人主人立于賓
東主人酬介介立于主人之西其衆賓受介酬者自介右
鄭注云尊介使不失故位衆受酬者受自左異其義也賓
主相酬各守其位不以尊卑變同類之中受者于左尊右
也義疏云此與鄉飲射先酬主人異者庭事非堂事也主
人祝並在室中以尸不與酬故主人祝亦不與酬也

賓奠解節賈云自飲酌已尊酬人時酌彼尊各自其酒
義疏云此時房中內賓長亦舉主婦所酬之解以酬宗婦

長兄弟卒解節故云交錯謂二竟互相酬也初儀卽上文所言相酬之禮李氏如圭曰楚茨云獻酬交錯禮儀卒度笑語卒獲古者於旅也語謂此時也

爲加爵者作止爵節賈云前衆賓長爲加爵如初爵止今還使爲加爵者作止爵李如圭曰賓酬長兄弟長兄弟酬賓一解結舉至是禮殺故不俟其畢而作止爵

長兄弟酬賓節鄭云長兄弟酬賓亦坐取其其解此不言交錯以辨賓之酬不言卒受者實解于能明其相報禮終於此其文省

舉解者洗各酌節故云薦右賓之薦南兄弟之薦北也與

于此者因其所改與之處也。緣長者之意不欲勞其復還之愚。按此說當矣。故義疎深取之。

長皆執以興節義疏云。此時內賓之少者宗婦之少者亦各舉解于其長以爲無算爵始。

利洗散獻于尸節。賈云利與佐食乃有二名者。以上設俎。啓會爾敦之時以黍稷爲食。故名佐食。今進酒酒以供養。故名利。利卽養也。郝氏云禮將終告利成。故利終獻以成。禮祝東面告利成。鄭云詩禮儀既備。鐘鼓既戒。孝孫徂位。工祝致告。祭禮畢。孝孫往堂下西面位。祝於是致孝孫之意。告尸以利成。孔氏類達云。特牲告利成卽云尸設祝前。

主人降少牢告利成卽云祝入尸讓主人降此二者皆祝致尸意以告主人也所以然者孝子事尸有尊親之義命當由尊者出非主人所當先發也天子殯尊備饗盡餼則祝先致尸意告主人已乃更致主人之意以告尸故鄭箋云告尸以利成也其告主人則同主人報告則有差

尸讓祝前主人降鄭云神具醉止壘尸載起鼓鐘送尸尸卽神也神醉而尸讓送尸而神歸尸出入奏肆夏義陳云拂周官及詩疏主祭祀尸出大祝令小祝送尸出廟門祝不出尸入于次釋服掌祧受之尸乃歸掌祧藏尸用與其服。

禮庶羞節鄭云爲將餽去之尚書傳曰宗室有事族人皆
侍終日大宗已侍于賓其然後燕私燕私者何也已而與
族人飲也此禮庶羞置西序下者爲將以燕飲與賈云凡
餽者尸餽鬼神之餘祭者餽尸之餘義取鬼神之惠福廟
中庶羞非鬼神惠故不用也

筵對席佐食節敖云筵對席設對席于饌東也此于神席
亦爲少北其名義與昏禮之對席同下篇放此筵卽敦之
異名分筵錮者以箕分筵實以錮分錮羹也

祝命嘗食墓者節敖云舉其東面升尸席也長兄弟對之
升對席也使嗣子墓故不敢以賓長對之而使長兄弟也

士以二人養降于大夫者兩也

主人西面再拜餼餼上餼主人之子也父拜之爲行禮也冠禮見于母母拜之義與此同餼者各亦再拜下執爵拜同

卒食主人降節鄭云少牢禮曰贊者洗三爵酌主人受于戶內以授次養舊說云主人北面授下養爵

上養洗爵節鄭氏云二養卒爵並降獨上養升酢主人重嗣子也

上養卽位坐餼賈曰主人位在戶內下養席南西面故上養授爵于戶內乃就坐

主人坐祭饋養疏云。士妻以子姓兄弟故。主人親視而上。養不復親。婦少牢之上。養以賓故。上養親。婦而主人不復親視。皆相變也。

祝命徹。昨俎節。敖云。戶內之東。祭時室中之主位也。東序下。堂上之主位也。宗婦不徹之者。以改設于東序。非婦人之事也。

祝執其俎。以出節。賈云。有司徹不賁尸。則祝執俎出于廟門。有司受歸之。

宗婦徹祝豆。祭節。敖云。此所徹者。皆置于房。故宗婦得爲之。不言庶文省也。

佐食禘尸薦俎敦設于西北隅簠簋云屏隱也。不知神之所在，或請遠人乎？尸設而改饌，爲幽賸庶其饗之，所以爲厭飲。少牢饋食禮曰：南面如饋之設，此所謂當室之白。陽厭也。則尸未入之前爲陰厭矣。曾子問曰：殤不備祭，何謂陰厭？陽厭也。厭一變反。

賈氏疏曰：不知神之所在，或請遠人乎？此禮記郊特牲之文也。引之者欲見孝子求神非一處，故先爲陰厭，後爲陽厭之事也。引少牢者，見彼是大夫禮。陽厭南面，此士禮。東面，雖面位不同，當室之白則同。案曾子問庶殤爲陽厭之事，又云：凡殤與無後者，祭于宗子之家，當室之白，尊于東。

房是謂陽厭凡言厭者謂無尸直厭飲神故鄭云則尸未入之前爲陰厭矣謂祭于奧中不得尸明故名陰厭對尸設之後改饌于西北隅爲陽厭以向戶明故爲陽厭也又案曾子問孔子曰有陰厭有陽厭謂宗子有陰厭無陽厭凡殤有陽厭無陰厭據此可証成人備祭陰厭陽厭並有之義也。

愚按少牢禮祝酌奠遂命佐食啓會鄭云酌奠酌酒爲神奠之賈疏曰以其迎尸之前將爲陰厭爲神不爲尸故云爲神奠之也下節主人西面祝在左主人再拜稽首祝祝曰孝孫某敢用柔毛剛鬣嘉薦普淙用薦歲事于皇祖伯

某以其如陳某氏尙變主人又再拜稽首此大夫禮故文繁而備至特牲禮略同祝詞在鄭注見之敢用剛鬣者文簡而省士禮故也。

愚按特牲未迎尸之前祝筵几于室中東面鄭云爲神敷席也至此使祝接神少牢禮云司官筵于奧祝設几于筵上右之鄭云布陳神坐也室中西南隅謂之奧席東面近南爲右也士大夫儀有繁殺大略同也此之謂陰厭矣又按後世之祭異于古初只用陰厭陽厭並無迎尸尸食之事自變禮以來幾及二千年迄今無異則陰厭陽厭不亦重乎特牲少牢有其儀曾子問著其名不亦古乎顧于此

不能無疑而稱之爲祝神改饌者蓋始于陸佃和于吳澄
致繼公然以愚觀之謂此陰厭陽厭之名非成人所行之
禮而疑之則殤者無尸而有厭成人有厭而立尸禮如是
矣且成人與殤無後者二者之辨請得而言之成人之鬼
盛所依者尸殤者無有也殤者之魄弱所飫者神成人反
輕也知鬼神之情狀果如是乎至若畏諸古則曾子問鄭
康成其說禮也精矣質諸今則後世率而行之二千年且
并去其迎尸之事其行禮也正矣說禮之家其奚庸忽而
不察焉○且讀尚書金縢篇所載三壇同墀祭太王已下
並不用尸特以與時祭禮異故不可以二厭擬之然掘是

以觀則禘祭用之非所施于成人殆不然矣

陽厭之禮當尸食之餘既養之後越不可以飫神焉按注
記尸俎正脊二骨長脅二骨者將舉于尸尸食未飽不欲
空神俎疏云此脊與脅二骨本爲饋厭飫所設也又次尸
既舉脊脅而猶有脊脅在既不空神俎義得兩施愚謂尸
與神本屬一氣無庸判別則斯疑得釋厭飫醉飽亦祝願
之意不必過泥也

記特牲饋食其服飾義疏云卿大夫士助祭之服視祭於
已之服皆加一等故士之賓兄弟亦如之所以然者惟天
子不助祭降而五等之君無不助祭者其助祭之服皆加

於已之祭服所以明有尊也則國君之臣視此矣。

壺於禁饌于東序節敖云壺於禁展壺之於禁也愚按士
虞禮尊于室中兩甒醴酒無禁禁由足生名祭之所用去
足名爲於禁不爲神戒故也。

籩巾以綌也節孔穎達云內則棗日新之栗日撰之棗易
有塵埃恒治拭之使新栗蟲好食宜數數揀撰省視之。
劔筆用苦節方氏曰莖莖其性滑周官所謂調以滑者此
也。

所俎心舌節賈氏曰少牢舌載于所俎橫之此言縮俎者
彼据俎上爲橫此据鄉人爲縮。

沃尸盥者節菹云者一人三字疑衍。應按上句者字絕一人兩字貫下不可刪也。

宗人獻與旅節菹云記末云公有司獻次衆賓宗人亦公有司也。乃齒於衆賓者所謂有上事者貴之也。

尊兩壺于房中節義疏房內設兩壺一爲內賓一爲宗婦也。兩壺皆酒而云南上者尊內賓下云內賓立于其北則壺在西墉下之南又賈疏亞西方者謂亞次西方也。

尸卒食而祭饗費節孔氏曰祝融古火官之長是燧之神常祀在夏有俎及簋豆設於竈陘又延尸入奧以先炊老婦配之。饗者宗廟祭後直祭先炊老婦之神在于饗室而

已所以不同

膚三節鄭云膚革肉豈豕肉之美者不過脊革肉而已故禮于膚皆謂之倫膚

腊如牲骨通論陳氏曰周官獸人凡獸入于腊人腊人掌乾肉豈折而乾之曰脯全而乾之曰腊脯在籩腊在俎脯常先於醢腊常亞於魚

祝甸髀節敖氏曰髀謂右髀亦用尸俎之不升者也脊代脅也不見之者上言脰脊則此爲代脅可知

阼俎臂節敖云阼俎尊乃不用左肩而用左臂者屈于尸也脊脅非體也故得與尸同以伸其尊

衆寶及衆兄弟節鄭云此所折骨直破折餘體可殺者升之俎一而已不備三者賤祭禮接神者貴凡骨有肉曰殺祭統曰凡爲俎者以骨爲主貴者取貴骨賤者取賤骨貴者不重賤者不虛示均也

義疏云牲體以四肢爲貴脊骨次之就四體而論股人貴後周人貴前故前體爲貴而後體次之就前體而論肩最貴臂次之膂又次之其序自上而下也就後體而論髀爲貴腓次之腓爲下其序自下而上也

公有司門西節賈云祭祀擗取公有司可執事者如舉鼎七載之類爲衆賓門外在有司羣執事中入門列在西方

東面餘者在門西北面位兄弟雖無上事亦皆在東方西
面位族親故也私臣之中擇爲賓者俱爲佐食乃賓佐尸
食者是也其餘獻在兄弟後者職賤也

儀禮彙說卷十五終

儀禮彙說卷十六

金山焦以恕越江著

後學李枝桂健林輯錄
門人徐含輝廷表校字

少牢饋食之禮義疏云牢者養牲之所牲有六而馬不常用犬與雞又最小故以三牲爲主而以牛爲大牲用一牲爲特二牲以上稱牢三牲具牛最大爲大牢二牲則羊豕爲少牢士祭用特牲一豕而已大夫加隆故用少牢
筮旬有一日鬯云據用已一日而言若用丁則以先月下旬下筮來月上旬下若丁已之外辛乙之等皆然必言來月上旬不用中旬下旬者吉事先近日故也

主人曰李孫某節節云節于太廟禮曰日用丁亥賈疏此
大戴禮也某如某妻也合食曰配某氏若言姜氏子氏是
也賈又曰春秋宜人年書辛巳有事于大廟文二年書八
月丁卯大事于大廟昭十五年書二月癸酉有事于武宮
桓十四年書己亥嘗此等皆不獨用丁巳之日也

史曰諸節敖云擊筮者爲將述命故也不述命則無此儀
乃官戒節敖云官戒謂某官戒某人以某事也宰宗人乃
官之尊者故見其所命者以明之郝云命爲酒者祭用酒
天官酒正所謂事酒有事新造者卽此也

若不吉節義疏云特牲筮不吉則筮道日卽時并筮之此

越十日而又筮者大夫禮也宋張子以爲先筮近日後遠日不從則直用下旬遠日而記不可廢極得禮意

宿鄭云筮日旣戒諸官以齊戒矣至祭前一日又戒以進之使知祭日常來

前宿一日節賈云宿宿諸官之日也前宿一日爲祭前二日諸官雖一肅尸再肅重尸也義疏云宿戒尸謂宿日戒尸也明日將筮慮其人或有疾病事故不得爲尸故早戒之其無他者乃以筮也

明日朝筮尸節郝曰明日朝謂祭前一日早也筮尸筮男尸如無尸

主人再拜稽首節買曰特牲主人宿尸時尸如主人服出門左西面鄭注不敢南面當尊則大夫之尸尊尸出門經南面故主人與尸皆不在門東門西也

尸拜許諾節李如圭曰祝釋詞尸乃拜異于士

若不吉節義疏云放謂所改筮者若又不吉則直以其次者爲尸不復筮爾張子筮日之意也蓋爲尸者預擬三人而筮之再不吉則用其又次者也

主人門東南面節按鄭云爲期亦唯尸不來也放則謂所宿者皆不在故直有有司羣執事也又謂主人南面者有司羣執事之位北面大夫宜鄉之亦大夫禮異也蓋二說

相成當並存之。

宗人曰且明行事節李如圭曰周官雞人凡國事爲期則告之時謂此旦明之期。

明日主人朝服節賈云特牲視牲與視殺別且士卑不嫌與人君同祭義云若牽牲穆答君卿大夫序從既入門麗士碑卿大夫袒而毛牛尚耳諸侯禮殺于門內此大夫與特牲士皆殺于門外者辟人君也。

廩人概餼廩七節賈云考工記陶人職廩實二鬴厚半寸。魯寸甔實二鬴厚半寸。屨寸七穿。愚按鄭衆曰廩無底甔。康成曰廩如甔一孔。或云廩加于甔上。蓋甔七穿以竹篔。

藉之所以炊也而麻加于其上似亦可通。敖氏則云甒有
有底而無孔所以盛米。另出一解未詳。孰是云。按一鬴之
數六斗四升也。二鬴加倍。麻加甒上未必足數。以一半計
之。連甒或可三鬴。是一石九斗二升也。亦可併而炊之。歟。
司官。概豆。籩。筥。賈云。下文司官筵神席于奧。此掌豆籩之
等。故鄭云。舞官也。義疏云。先概之。繼乃分設之。凡洗。篚。三
者。拭之而已。統言之。則亦曰概也。其設于房中。自北堂之
東。墉下而陳之。以至於西。豆最東。籩次之。篚又次之。堂下
之篚又次之。

司馬升羊。右胖。節賈云。十一體。言一者。見其體也。下言皆

二骨以並見一體皆有二骨也。凡牲體四支爲貴，故先序肩臂臑膊幣于上，是尊。然後序脊脅于下，是卑。皆二骨以並。掘脊脅言也。祭肺貴序在下者，不與外體爲尊卑之次。司官設罍水節，賈云：士冠直言水在洗東，士昏鄉飲酒，特牲記亦云然。皆不言罍器，亦不云有柁。燕禮大射雖云罍水，又不言有柁。凡此等其禮具在此，餘文不具。

改饌豆籩節義疏云：豆籩設如其陳之左右，不如其東面者，若如其東面，則象于當祭矣。懼褻陳也。陳之亦近東。壝小祝設祭，籩節賈云：特牲直云尸盥，匱水實于祭中。篚巾在門內之右，不言其人，未聞也。以彼下文始言祝筵几于

室中知非祝也。故云其設如士虔禮。惟異處耳。

司官筮于與節。賈云特牲云祝筮几。鄭云使祝接神。此使司官而祝。設几者大夫官多。故使兩官共其事。

司官取二勺于篚。節賈云玄酒不酌。亦加勺者。重古如酌者。然義疏云二勺上既概之矣。此復洗之。重酌奠之。器致其潔敬也。

陳鼎于東方。節賈云洗當東。筴近東也。陳鼎當東序。則近西也。而言南于洗。西則鼎陳于洗西。稍近南。東西不得與洗相當也。

司士三人升魚。賸膚。義疏云士喪禮。殯奠魚左首。進箸未

忍異于生也葬奠及士虞皆如之公食禮魚寢右注云進
箸也則食生之禮皆左首進箸可知蓋乾魚但以左首進
箸右首進腴爲人與神之別而縮于俎則一耳濡魚進尾
而以右腴右箸爲冬夏之別則橫于俎矣
膚九而俎節敖云橫載者載而橫于俎也上俎云進下卽
橫載也故此亦之

主婦被下飾錫衣侈袂鄭云被錫讀爲髮髮古者或剔賤
者刑者之髮以被婦人之紒爲飾因名髮髮焉不緇笄者
大夫妻尊亦衣紉衣而侈其袂耳蓋半士妻之袂以益之
衣三尺三寸袂尺八寸賈云按左傳哀十七年衛莊公登

城望戎州見已氏之妻髮美使髡之以爲呂姜髦是其取
賤者髮爲鬻之事也又按周禮追師云掌王后以下副編
次三翟者首服副鞞衣檀衣首服編祿衣首服次鄭氏彼
謂首飾若今步搖編編列髮爲之若今假紒次次第髮
長短爲之所謂髮髻也義疏云玉藻士祿衣亦謂其妻也
追師注衣祿衣吉服次次亦名髮髻采蘋詩又謂之被則
被字自可以髮髻釋之不必改讀也古者男女吉內之衣
衣身二尺二寸袂亦二尺二寸袂則一尺二寸其下圍殺
之侈袂者蓋不圍殺其下而袂亦二尺二寸耳愚按義疏
謂被卽髮髻不必改讀所實不易之定解矣

又按敖氏云錫緇通皆當作綠字之誤也綠祿通內司服職曰綠衣素沙是也內子祭服綠衣而又修其袂焉所以甚別于士妻之祭服也

愚按錫衣者衣之盛美者也故大夫妻服之以其祭祀至敖氏之解展轉相通以就已說恐或未然而鄭氏謂是絹衣且謂衣三尺三寸袂尺八寸者義疏咸駁其非則未可依用耳

主婦自東房節敖云金敦以金飾之也四敦皆然特見其一耳以授主婦立授之也故主婦與其後二敦則婦人贊者執以立于戶外婦贊者一一反之以授于主婦蓋婦贊

者唯一人而已。

主人西面祝在左節鄭云羊曰柔毛豕曰剛鬣嘉薦蕤醑也普淖黍稷也普大也淖和也德能大和乃有黍稷春秋傳曰奉粢以告曰粢粢豐盛謂其三時不害而民和年豐也。

宗人奉饗籩李如圭曰饗區篋中先設于西階東尸入門左至門內置三宗人奉器就之。

祝主人皆拜毋尸節賈云特牲禮主人拜毋尸尸答拜執奠祝饗主人拜如初注云饗勸強之也其詞取于士虞記則宜云孝孫某圭爲孝薦之饗是士賤不嫌得與人君同

大夫尊嫌與人君同故初不饗後亦不告旨也。

尸取韭菹節義疏云豆以菹爲上醢次之韭菹又在葵菹之上故尸自取韭菹換于三豆以祭換于三豆則葵菹亦稍取之矣。

上佐食舉尸牢肺節賈云舉尸牢肺舂坐而取之與以授尸更坐而兩敦黍不因前坐也曲禮云飯黍毋以箸古者飯食不用匙箸就器中取之故移之席上以便尸食特牲云爾黍稷此不云稷者文不具。

主人羞所組節賈云特牲之組膚從豕組故所在腊北此五組有膚組故所在膚北。

上佐食羞兩餽節敖云芼以菜和物之名祭餽亦于豆祭也。

上佐食羞餽節義疏云按爾雅釋器木豆謂之豆瓦豆謂之登生長詩于豆于登公食禮大羹湑不和實于錡卽登也此餽及醢皆用兩瓦豆則薦豆用木豆而加豆用瓦豆與

尸告飽節賈云此與特牲皆有尸飯法天子諸侯亦當有之故大祝九拜之下云以享侑祭祀注云侑助尸食而拜蓋士三飯卽告飽而侑大夫七飯告飽而侑諸侯九飯告飽而侑天子十一飯告飽而侑也

上佐食受尸牢肺節賈云上文初食舉謂正脊與牢肺不言置舉之處至此尸十一飯後乃言受尸牢肺正脊加于所約特牲舉肺脊其時尸實舉于菹豆今尸食畢尸乃于菹豆上取而授上佐食上佐食受而加于所也敖云佐食亦反上敦黍于其所經文畧也

尸祭酒啐酒節賈云鹽在肝右據窋長西面手執而言尸東面若至尸前跽在尸之左尸以右手取肝鄉左授之是其便也

上佐食取四敦黍稷節賈云周官守祿既祭則藏其墮取墮減之義也主人受餼之時先墮祭是以佐食授黍稷與

主人爲隨禮

祝與二佐食節敬云三人皆爲將執所設之物而盥敬其事也各取黍上者取于上敦下者取于下敦黍上敦在酉下敦在東

主人坐奠爵與節敬云坐奠爵是立聽嘏也與少進愛黍復位乃坐祭嘏之也宰夫受黍主人左執爵乃取而嘗之而納之內謂籩中既嘏之復嘗之亦大夫禮異也此禮體詳于特牲者大夫尊尚多儀也

兼疏云特牲尸親嘏主人注云其詞則少牢有焉是士與大夫嘏詞相同但士尸親嘏不命之祝則首句須易耳天

子諸侯嘏詞惟天保詩有曰君曰卜爾萬壽無疆而楚茨詩曰工祝致告祖賚孝孫苾芬孝祀神嗜飲食卜爾百福如幾如式既齊既稷既匡既勅末錫爾極時萬時億是天子嘏詞也朱子以爲公卿之嘏詞然末章云小大稽首禮大夫之臣不稽首公卿安得有小大稽首之事則當從孔疏以爲天子之嘏詞與

主人西面答拜賈云上主人酌尸尸拜受主人拜送禮重此獻祝祝拜受主人答拜禮輕愚按敖云答拜卽拜送與古稍異今兩存之

薦兩豆菹醢鄭云葵菹麇醢賈云是乃饋食之豆當饋食

之節是其常事故祝用之敖云韭菹醢也蓋祝饗以尸之上筵則其豆亦當以尸之上豆也二說未詳孰是今兩存之

主人酌獻上在食節敖曰取節于牖見其少西于其他之北面拜者也凡室中北面拜者皆在戶牖間其言戶西者則近于戶其言牖東者則近于牖

主人又獻下佐食節敖曰卒獻則主人受爵以實于下篚而升復位特牲禮曰佐食卒角主人受角降及于篚

有司贊者節敖曰篚下篚也主婦亞獻用下篚之爵登此時內篚未有爵與婦人不可以取爵于庭故有司爲取之

祝酌授尸節敖曰賓受酢而俠拜與夫奠爵拜執爵與之類皆放主人事尸之禮爲之。

賓酌獻祝節賈云祝與佐食俱事神及尸是以獻尸並及之。今賓獻祝不及佐食者但爲有賓尸則賓長之獻爲祭末禮殺故及佐食也。

司宮設對席節郝曰對席室中東西設對席兩佐食兩賓爲四人。

上佐食盥升節賈曰下佐食對之不謂東西相當上佐食東面近南下佐食西面近北爲對賓長二人備亦不東西相當一賓長在上佐食之北一賓長在下佐食之南也敖

曰賓長二人謂長賓及衆賓長也此佐食皆異姓故可使
賓長對之。

上饗止節敖曰主人啐酒者爲聽嘏凡既祭酒而未得卽
卒爵者必啐酒。

上饗親嘏節義疏云特牲禮有祝詞無嘏詞祝曰云云見
興惠逮下之意以士之餽者嗣子及長兄弟親者也親主
于愛少牢禮有嘏詞無祝詞嘏曰云云則歸福于主人之
意以大夫之餽者佐食及賓疎者也疎主于敬故也。

上饗答拜節敖曰上饗興出則是不受主人爵也主人奠
爵上饗不受示禮有終且爲有司將徹之也。

儀禮彙說卷十七

金山焦以恕越江著

甥 沈 桂師薛輯錄

後學金枝發秀源校字

有司徹之一郝氏曰承上暮事畢有司徹室中饌賓尸於堂賓尸卽繹凡大祭明日繹少牢之饋卽祭日也

司官攝酒義疏云攝說文解爲引持此疏又云添益則是持酒以益于尊所謂貳也天官酒正職凡祭祀以法共五齊三酒以實八尊大祭三貳中祭再貳小祭一貳皆有酌數是也

乃執尸俎賈氏曰下文云卒執乃升羊豕魚三鼎是先温

于費之饗乃升之於鼎也。義疏云：餼尸俎者，羊體則餼于羊饗，豕體與膚則餼于豕饗，魚則餼于魚饗，唯腊及肝俎內之心舌不餼耳。正祭時所升者，尸俎而外，唯祝與二佐食之俎而已。其餘則皆存乎饗也。將賓尸，則凡賓兄弟公，有司私人內兄弟之屬，雍人雍府皆自饗載之於俎。饗中直有清而已，乃以尸俎投而餼之。

乃議侑于賓節。義疏云：以尸爲賓，又立侑以輔尸。猶鄉飲有賓必有介也。尸席戶西南面，侑席西序東面，猶鄉飲之賓席，踞前南面，介席西階上東面也。侑取異姓，乃可以居西序東鄉之位。

尸與竹北面節敖云尸北面者尊大夫若不敢爲賓客然也其位當在門外之西祭事已尸出門則不敢以尊自居西上賓位尚左也

主人出迎尸節賈云正祭主人不迎尸以伸尸之尊此迎之以尸同賓客也

尸入門左節賈云鄉飲酒禮之等入門三揖至階又讓敖云亦三揖至于階乃三讓也經文省亦以其可知故也

雍正執一七節賈云四俎當俱陳于羊鼎之西分二俎陳豕鼎魚鼎之西者欲使三鼎之西並有俎故云具也李如圭云四俎皆載羊體之正俎而分陳之

雍人合執二俎陳于羊俎西節鄭云其南俎司馬以羞羊
七清羊肉清其北俎司士以羞豕七清豕脰清魚賈云下
文次賓羞羊七清此注并云司馬非也又下文次賓羞豕
七清此注并云司士亦非也○司士杜豕節鄭云俎謂雍
人所設在北者○司馬杜羊節賈云第一俎此俎在侑俎
之南下侑俎注云司士所設羊鼎西之北俎也明尸俎在
侑俎之南

愚按經文敘載俎之法于司馬杜羊爲正俎第一外次言
羊肉清至臠肺一載于南俎此益送之俎爲雍人所設羊
俎西者是也下言司士杜豕載于一俎卽尸之豕脰是也

鄭据此而謂二俎南上一則由便一則相變似無不可蓋
雍人始設益送二俎時本屬虛俎非有俎實則原無上次
之序可知益送之俎番休迭換往來紛沓雖俎實有尊卑
之殊而木俎無南北之異卽云依鼎宜爲北上亦無大失
也况南俎屬羊北俎屬豕豈然一例絕無紛岐參錯之弊
其說似亦可從經文如此而鄭謂不復辨析簡便融貫足
備一說矣

又按主人獻尸之終禮有羊七滂羊肉滂皆屬益送之俎
至主人獻侑尸酢主人之後則主婦獻尸乃有豕七滂豕
臠亦屬益送之俎是以二俎升降解者云必相間用之如

羊七清俎以羞于尸則羊肉清亦當先載而俟豕七清俎以羞于尸則豕脰亦載而俟然以恩度之羊肉豕脰之載諒無多時倘使七清之俎既降旋取而相接爲之先後同于一俎亦何遽不可行歟且經無某人與某人交于某所則接次而升毋容亟也

再按敖氏之解其異于注疏者如雍人合執二俎節云羊俎指在羊鼎西者也此二俎陳于其西亦北上其北俎次有以羞羊七清豕七清其南俎司馬以羞羊肉清司士以羞豕脰清魚又羊肉清屬折載于南俎節云羊俎西之二俎亦北上內清載于南俎則其北俎爲羞七清明矣又司

士牝豕節云此俎與羊肉滯同亦南俎也又侑俎羊左肩節云侑之羊俎司士所設在羊鼎西之南者侑之豕俎與尸之豕脰同用南俎阼俎節此羊肉滯豕脰皆用南俎雍人授次賓疏七與俎節云此七俎在羊俎西之北者也

今考經文主人獻尸章賓長設羊俎此爲正俎雍人授次賓疏七與俎司馬挹注者三次賓執七俎以升司馬羞羊肉滯二者爲益送之俎也又主婦獻尸章次賓羞豕七滯如羊七滯之禮司士羞豕脰如羊肉滯之禮亦屬益送之俎他若羊燔豕燧不出于鼎故不數之今合前後觀之敖氏亦爲可從但南北果有上次而經文不明言之則亦備

一說以俟來哲庶乎平允而不偏焉

主人西面左手節敖云推者推手也郝云拂几則直順便也授几則橫對便也主人二手橫執几執外廉也

尸進二手節郝云尸二手受受內廉也主人二手執几兩端尸併二手執几中間授者極慎受者極恭也

主人退尸還几節賈云主人橫執几進授尸尸二手受于主人手間時亦橫受之將欲纒設于席故還之使縮以右手執几外廉鄉北面縮設于席也郝云右手執外廉執主人所執之方筵南向故北面奠于筵上左之謂其几筵東主人降洗尸脩降節鄭云降盥者爲土汚手不可酌賈云

按鄉飲酒禮主人降洗賓降主人辭降賓對此亦應主人降洗尸降主人辭降。

主婦自東房節賈云正祭先薦後獻若釋祭則先獻後薦故祭義曰君獻尸夫人薦豆注云謂釋日也賓尸禮與天子諸侯釋祭同亦先獻後薦也。

司馬牝羊節李如圭曰此尸之羊正俎也復肩髀子俎與正祭神俎同其異者脊脊腸胃祭肺皆一又無舉肺且折分其膾故降膾在骼下也。

羊肉清膾折節翼云凡牲體皆出于汁不言膾又下豕臠亦出于汁皆不言膾此特得清名者特牲少牢正祭升牲

體於鼎時皆無七清今此升牲體于尸前七清亦升爓故
得清名以在俎無汁故應羊肉清必先進羊七清見此清
爲肉而有故在羊肉清前進之使尸嘗之豕亦有七清不
名肉清而名脰者五見爲文言脰者見在俎無汁言肉清
者見在鼎內時有汁也魚不言魚清而云清魚者魚前無
進七清故先言清以明魚在清可知羊有正俎羞七清又
羞肉清豕無正俎魚無七清隆汗之殺也

羊肉清節鄭云此以下十一俎俟時而載于此歷說之爾
賈云十一俎者卽尸之羊肉清一也豕脰俎二也侑之羊
俎三也豕俎四也主人羊俎五也羊肉清俎六也豕脰七

也主婦羊俎八也尸侑主人三者皆有魚俎是十一也通尸羊正俎爲十二俎其四俎尸侑主人主婦載羊體俎皆爲正俎其餘八俎雍人所設二俎益送往還故有八實止二俎也愚按此條依經文載俎章而說其羊七滫豕七滫不在此數也

司士牝豕節敖云此謂豕脰也二司士卽舉豕鼎者也此下凡升豕者皆此司士爲之豕無正俎故此尸俎之體骨皆放於羊俎也

卒升節鄭云已載尸羊俎敖云謂已升四羊俎義疏云四俎相繼序升敖說固是此云卒升專指尸俎以爲下文行

禮之節性說亦可通

雍人授次賓疏七節郝氏曰受于鼎西就鼎取滫也御仰手向後七中有滫直設俎上以手前執俎左邊右手向後仰執七柄義疏云盛滫恆以瓦饅此用疏七者爲益送非常設也俎非盛滫之器故注于疏七而以俎承之從七不可執以爲禮也其挹之三者禮成于三也第此則疏七大而挑七小可見矣

次賓縮執七俎節李如圭曰此七滫也七滫無肉肉滫無汁七滫羊豕皆有之豕不曰肉滫而曰豕豚者肉滫言肉初在滫中曰滫明在俎時無汁也以降者俟羞羊肉滫

尸席末坐啐酒節義疏云特牲告旨主人拜尸答拜此尸先拜主人答拜者彼正祭尸尊此賓尸尸同于賓客也鄉飲射禮皆先拜而後告旨

司馬羞羊肉滫節楊復曰正俎皆橫執橫奠加俎皆縮執縮奠羊滫俎滫字衍

尸坐執爵以興節李如圭曰羞羊燔亦當以羊肉滫之俎義疏云羊俎西之二俎祗載其升于鼎者以益送耳其燔則別以俎實之而陳于內東塾非此俎也愚按李氏之云蓋用康成舊說

甫升筵自北方節義疏甫與主婦之正俎皆司馬設之者

侑不可並於尸主婦不可並於主人不敢以煩賓長也

司宮設席東序節義疏鄉飲射禮主人與賓介之席同時

設之此則主人席受尸酢乃設亦是尊尸之意

尸酢主人之主婦薦節買云凡執豆籩皆兩雙執之上尸

籩豆各四故主婦與取籩豆于房見異饋親之義此侑與

主人皆二豆二籩主婦與婦贊者各執其二於事便故主

婦不與受之

長賓設羊俎于豆西節義疏上言取肺羊正俎之祭肺也

後言受肺羊清俎之濟肺也

主人坐取爵以興節買云燔卽羊燔以主人與尸侑皆用

羊體主婦獻尸以後悉用豕體賓長獻尸以後悉用魚從
是以知主人之燔羊燔也

司宮取爵于筵節買曰此主婦獻內凡有四爵主婦獻尸
一也獻脩二也致爵于主人三也受尸酢四也其獻尸一
節之內從獻有五主婦設兩鉶一也主婦又設服與脩二
也次賓羞豕七清三也司士羞豕脛四也次賓羞豕燔尸
乃卒爵五也

主婦洗于房中節買云賓主獻酢無在筵上受法今筵上
受者以婦人所獻尸不與行賓主之禮故不得各就其階
敖云尸拜于筵上以其殺于主人且因室中之禮也後三

獻放此

尸坐啐酒左執爵節放云此嘗劍拜也不告旨異于主人也特牲饋食禮曰尸祭劍嘗之告旨主人拜尸答拜

司士羞豕脰郝云如羊肉消之體亦具俎于羊俎西縮執虛俎以降等禮同也

酌獻侑節賈云共同于尸有三等主婦獻侑主婦羞饌修一也司士羞豕脰二也次賓羞燔侑乃卒饌三也其降于尸二等無劍奠與豕七消也

酌以致于主人節義疏主婦獻尸侑而拜于主人之北者夫婦一體也至致爵于主人與夫爲禮則當另列爲強故

拜于阼階上北面若仍在主人之北面西則不惟有併敬尸侑之嫌且不見所拜者之爲主人也不使拜者辟獻尸之禮也。

主人降侑降節尸之降爲洗爵以酢主婦也主婦若辭洗則宜降已士昏禮記曰不敢辭洗舅降則必于房不敢拜洗凡婦人相饗無降婦人祭禮事止于堂階故入于房以辟之。

司宮設席于房中節賈云賓長以下無設席之文惟主婦設席與主人同故云主婦尊。

次賓羞羊燔節敖云出房卒爵宜成禮于所酢者之前也。

立卒奠婦人常禮也立卒爵而拜既惟人君及主婦耳其
異者奠爵與執爵也燕禮曰公立卒爵坐奠爵拜云立于
房見其不就席

上賓洗爵以升節賈曰特牲禮尸在室內始行三獻未行
致爵尸奠爵欲得神惠均于室此少牢賓尸禮室內已行
三獻至此主婦又已致爵于主人訖賓尸又在堂故爵止
者欲得神惠均于庭與特牲正祭異也

主人降南面節鄭云言三拜者衆賓賤旅之也衆賓一拜
賤也卿大夫尊賓賤純臣也位在門東義疏云三拜衆賓
衆賓皆各一拜鄉飲鄉射特牲禮皆然不專以大夫尊而

衆賓賤也。衆賓亦不必皆臣士。與公有司當並有焉。在則俱在門東。

其薦脯醢與胾節。鄭云徧獻乃薦。儀者儀度。餘骨可用而用之。敖云特牲禮。衆賓升拜受爵。坐祭立飲。薦俎設于其位。辨此下經言兄弟之儀云。升受爵其薦胾設于其位。然則此薦胾亦與每獻設之也。體儀謂或體或儀也。尊者用體折卑者。但用儀。二說小異可並存之。

乃升長賓節。敖云升長賓者其宗人與徧獻。乃醢變于士禮。賓辟尸不敢親酢主人。故主人自酢以達其意。

主人洗升酌獻兄弟節。賈云特牲士卑。長兄弟爲貴。長兄

弟加賓儀坐飲也至于大夫貴兄弟賤兄弟長幼皆立飲不得如賓儀

其位在洗東節賈云謂發此位升堂受爵受爵時設薦豚於洗東西面位特牲兄弟位主人之南者士卑故繼主人此大夫尊故在洗東也敖云鄉飲酒禮衆賓每一人獻則薦請其席是禮似之

其先生之豚折節敖曰豚猶俎也先生豚折其衆則儀亦以此別長幼也無離肺者因上賓俎也俎不設于堂故無切肺

主人洗獻內賓節敖云獻之蓋東北面受送之拜皆南面

猶堂上之皆北面也。

主人降洗升獻私人節敖云獻私人而降洗重獻禮也拜于下而降飲賤也獻亦西南面于東楹東而拜于其右私人賤故但答其長拜以殊之自獻衆賓至此其獻凡四節惟前后兩言宰夫贊主人酌所以見其間二節之不言者爲省文耳此言於若是以辨之後見獻私人之長卽贊之也。以是例之則獻內賓以上主人所親酌者惟于其長益見矣。

尸作三獻之爵賈曰三獻是上賓不言士賓而言三獻者以上賓舉三獻因號上賓爲三獻是以事名官也作其爵

者以神惠均于屋。訖欲使尸飲此酒。教曰：主人舉獻而祝。筵三獻。于是升立于西階上。尸乃舉爵也。

二人洗觶升實爵。節買云：鄉飲酒。鄉射及特牲。皆一人舉觶爲旅。酬始。二人舉觶爲無算爵。始。今以二人爲旅。酬始。在此賓尸別一禮。與彼不同。其初時主人酬尸。尸與之。侑未得酬。故使二人舉觶。侑乃奠而不舉。侑既奠一爵。尸一爵。遂酬于下。是以須二人舉觶。

洗升酌反位尸。侑節教曰：反位于西楹西。俟拜也。侑奠觶不言坐。文省也。古楨南。義疏：二人舉觶并酬。侑見侑之次于賓也。侑若舉則嫌並於尸。是以奠之而終不舉。

尸遂執解以與節賈云上改尸酢主人主人東楹東北面
拜受爵尸西楹西北面答拜各于其階今同于阼階禮殺
也

遂及私人拜受者節敖曰私人拜而升受兄弟之爵俟兄
弟答拜乃下也惟云拜受云下飲是兄弟及私人飲時皆
不拜矣兄弟飲不拜者以所酬者在下惟爲醴也私人飲
不拜者因酬已者之儀且賤者禮簡也

卒爵升酌節李如圭曰卒爵受獻惟答其長拜故受酬亦
其長得升受羣私人以之其位相酬耳

乃羞庶羞于賓兄弟節鄭云其始主婦舉解于內賓遂及

宗婦義疏云核特牲配云主婦及內賓宗婦亦旅則大夫
賓尸房中亦旅明矣但主婦酌解以酬內賓之長異之及
兄弟相酬時內賓乃舉其解以酬主婦以送之於下耳
洗升酌降北面節敖云此後生者舉解與主人酬賓之儀
畧同似有爲主人酬長兄弟之意故位如主人而長在左
賓一人舉爵酌賓一人次賓之次者也舉爵卽舉解也如
初如二人舉解之儀其異者不及侑耳亦者亦上文尸酬
主人以下之禮

賓及兄弟交錯節敖云言皆遂及私人則是賓及兄弟之
與解先後迭舉而不並行也義疏云旅酬時尸酬主人主

人酬侑侑酬長賓遂酬衆賓兄弟至於私人酬無不辨然堂上堂下東西各自爲酬不交不錯是爲正酬乃直行至爵行無算乃有交酬有錯酬交酬者長賓與長兄弟次賓與次兄弟衆賓與衆兄弟東西往來所謂交也至錯酬則隨其量之能飲與情之夙好而相酬如注云惟已所欲更無次第之數者殆于不醉無歸矣故云交錯

司士歸尸侑之俎敖云尸侑尊司士徹俎而歸賓長以下則自徹而授其人以歸

尸出禮畢義疏按賓尸之禮分三節主人獻尸主人獻侑尸酢主人一節主婦獻尸主婦獻侑尸酢主婦二節也賓

長三獻尸爵止尸作止爵賓長致爵于主人尸酢賓三節也

若不賓尸鄭云舊說謂大夫有疾病攝昆弟祭曾子問曰攝主不厭祭不旅不假不綏祭不配賈云曾子問注云皆辟正主厭厭飲神也厭有陰有陽迎主之前祝酌奠奠之且饗是陰厭也尸設之後徹薦俎設于西北隅是陽厭也此不厭者不陽厭也不旅不旅酬也假饋爲假不假不假主人也不綏祭謂今主人也不配者祝詞不言以某妃配某氏也

則祝侑亦如之郝氏曰自迎尸入室以後至祝侑尸食以

前禮與賓尸同故曰亦如之。

乃盛俎節却云盛俎謂佐食取衆俎之實盛于所俎祭畢歸尸特牲尸九飯畢則盛俎少牢賓尸則俎重鼓故不盛魚七義疏云魚盛七者爲俎釋三个又有祝主人主婦之魚俎實必奇故盛其半而止也注以爲如春胙之二骨而各取一骨可也。

腊辨無髀賈云兩髀在祝俎明無髀楊復曰辨者辨盛右體也注云盛半春屬則存乎俎者左脰五體並三者八體耳。

佐食取一俎節敖云羊當作魚字之謬也。

佐食受牢舉節敖云此饋者賓之謂蓋指賓尸之禮也惟
言賓則意有不備故以饋言之。

其獻與二佐食節賈云此主人獻內有五節主人獻尸一
也酢主人二也獻祝三也獻上佐食四也獻下佐食五也
敖云祝之薦脰如饋則牢與腊皆辨明矣祝于饋亦有用
從不言者與佐食連文故畧之耳愚按凡經文畧之者謂
禮之輕者用之可不用亦可也若其必用則不可畧。

主婦其洗獻于尸亦如饋賈云此主婦獻尸節內爵數與
主人同惟不受啜。

主婦反取籩節義疏云無籩從殺于賓尸之初獻而四籩

隆于賓尸之亞獻有所屈有所申之義也。

祝易爲洗酌授尸節鄭云主婦夾爵拜爲不賓尸降崇敬賈云特性主婦不夾爵拜上篇主婦夾爵拜此爲不傾尸降崇敬故夾爵拜。

主婦受爵酌獻節故云祝卒爵而主婦受具亦不拜旣如傾也自此以上如傾者皆在前篇。

賓長洗爵獻尸節郝云少牢正祭賓長三獻尸尸卒爵酢賓長賓長又獻祝祝啐酒奠爵而主人出尸遂起不賓尸則賓長獻尸尸受奠而不舉待主人主婦交致爵而後舉與特性禮同。

主婦洗于房中敖云設席亦于主人立處之南

主婦薦韭菹醢節賈云特牲一豕故昨俎用五體此經牢兼羊豕臂脊角俱有是六也通膾臂而七敖云膾臂亦左臂也肺離肺也既設俎主人乃升筵坐與主婦升筵之節同

主人谷庠卒爵升節郝氏曰司宮設席于戶內主人立處之南其薦二豆二豆一俎主婦受爵日酢皆與賓尸異自此已下之禮賓尸皆行于堂不賓尸皆行于室所以異也尸作止爵節賈云賓尸止爵在致爵前其作之在獻私人後欲神惠之均于庭此止爵在主婦致爵前作之在致爵

後欲神惠之均于室中。

酌致爵于主婦節放云北堂謂立于北堂卽所設席之北也。

主婦席北東而節買云出禮席東鄉西鄉以南方爲上故北爲下。

賓答拜賓受爵節賈云少牢賓長獻正及祝不及佐食彼注云不獻佐食將賓尸禮殺此不賓尸故異賈又云自賓長獻尸一節內凡有十爵獻尸一主婦致爵于主人二主人酌主婦三尸酌賓四賓獻祝五獻上佐食六獻下佐食七賓致爵于主人八致爵于主婦九賓受主人酌十。

賓長獻于尸節義疏此一節內凡有六爵次賓長獻尸一也尸醑二也獻三也致于主人四也致于主婦五也受主人酢六也

賓兄弟交饋節李如圭曰此兄弟舉觴于其長亦當如饋禮在盃于私人之後賓長加獻之前文不具耳愚按文不具者卽是畧之畧之者謂其禮亦殺也

利洗爵獻于尸放云奠之亦北面奠于其筵前也祭事將畢其禮漸殺衆賓長獻不及佐食故祝于此亦不終其禮以見已禮亦宜殺之意是亦異于士

主人山立于阼階上節敖云祝反復位入于室中主人亦

入于室復位經有脫文也愚按此言是也經不見者以工人有室中之事則復位可知焉耳

卒慕有司官徹饋節鄭云官徹饋者司馬司士舉俎宰夫取敦及豆此于尸設改饌當室之白孝子不知神之所在庶其饗之于此所以爲厭飫也賈云經云官徹則司馬主羊司士主豕明還遺此二人舉俎可知云宰夫取敦及豆者以其宰夫多主主婦之事此敦及豆本主婦設之今云明非婦人知是宰夫爲之也鄭云當室之白孝子不知神之所在庶其饗之于此蓋雜取曾子問郊特牲祭義之文按曾子問說陽厭之事云當室之白尊于東房鄭云得尸

明者也。郊特牲云：索祭視于廟，不知神之所在，於彼乎於此乎。尚曰：求諸遠者，與祭義云：勿勿乎其欲饗之，是鄭所又陽厭及祓祭求神之事。愚按：陰厭陽厭是後代廢尸祭先之，禮實原于此。今以神至此，豈能厭。仁一言，斷其不可。則膠固而不融通，似失之矣。鄭買之云：未可廢也。徹室中之饌，放云：室中之饌，即改設者也。